

Kommunikado da imprensa

5 Julho, 2010

Vitima sira mai Dili hodi Parlamento rona sira nia lian

kona ba justica no lei foun rua

Iha semana ne'e vitima sira nain 60 husi distritu 13 mai Dili atu Parlamento Nasional bele rona sira nia lian kona ba justica no lei foun rua.

Ezbosu (draf) lei ida atu kria institusaun haktuir Comissão de Acolhimento, Verdade e Reconciliação (CAVR) no Comissão Bilateral de Verdade e Amizade (CVA), ho naran **Instituto Público ba Memória**

Ezbosu (draf) lei ida fali atu estabelese **programa reparasaun nasional**.

Antes Parlamento debate ezbosu lei rua ne'e ba dala ikus liu, Komisaun A no ONG justica nian, inklui STP-CAVR, Fokupers, Hak, ICTJ, JPC Dili, JSMP e NCD atu halo konsultasaun durante loron tolu nia laran.

Ho program konsultasaun rua ne'e, vitima sira, ONG, grupu husi comunidade lokal no igreja Iha oportunidade atu hatoo sira nia komentariu kona ba lei rua ne'e, ba deputado sira husi Komisaun A, para deputado sira bele konsidera komentaria antes esbozu ne'ebé refere aprova tiha Iha Parlamento.

Komisaun A halo konsultasaun Iha Parlamento Nasional ho orario tuir mai ne'e:

- Iha loron 6 Julho, konsultasaun ho ONG sira e igreja, iha Parlamento Nasional (loron tomak)
- Iha dadeer 7 Julho, tuku 10, konsultasaun ho vitima sira Iha Parlamento Nasional.

ONG justica nian explika lei rua ne'e ba vitima sira husi distritu no mos belun sira husi ONG ho orario tuir mai ne'e

- Iha loron 6 Julho, ONG sira halo workshop hodi explika inti lei rua ne'e ba vitima sira (loron tomak) Iha Don Bosco, Comoro
- Iha dadeer loron 7 Julho, tuku 10, ONG sira mos tuir konsultasaun Iha Parlamento.

Belun sira husi media bele tuir mai konsultasaun hotu ne'e.

Lei rua ne'e assina tiha husi membru Komisaun A; meske lei rua nei tenke entrega/apresenta dala ida tan ba Parlamento mak foin bele aprova ho status lei Timor-Léste nian.

Atu hetan informasaun barak liu tan:

- Favor ida, lee brosur attach Iha ne'e hodi hetan informasaun tan kona ba lei rua ne'e.
- Atu hetan lei rua ne'e ho versaun Portugues, Tetum ka Ingles, kontaktu estaf STP-CAVR Christine, 778 1607 kearney.christine@gmail.com, Chiquito, 724 1970, sabalale@yahoo.com
- Kontaktu ho ONG ne'ebé servisu ho vitima kona ba lei rua ne'e, kontaktu ho STP-CAVR, Fokupers, Hak, ICTJ, JPC Dili, JSMP e NCD.

- Atu hetan informasaun kona ba orario Parlamento nian, kontaktu ho Komisaun A, PN.

Christine Kearney

Timor +670 7781607

Australia +61424438979

kearney.christine@gmail.com